

s Annemeieli vom Längebüeu

Musical score for 's Annemeieli vom Längebüeu'. The score is written in 4/4 time and consists of three staves. The first staff is the melody, the second is the bass line, and the third is the guitar accompaniment. Chords are indicated by letters: C, F, G7, C, A7, Dm, D7, G, C, F, G7, Dm, G7, C. There are also some markings like '1' and '2' above the notes.

S'Annemeieli vom Längebüeu,
 das isch aus Meiteli
 mit syne blonde Züpfeli
 e son es härzigs gsi,
 's het gsunge, gstrahlet, glachet, tanzet,
 gschmychlet wien e Chatz –
 und aui Lüt hei Fröid an ihm gha
 u gseit: "Isch das e Schatz! "

A dr Wienacht i dr zwöite Klass
 het äs d'Maria gspiut,
 u mit sym zarte Stimmligunge
 süess und wundermiud,
 u d'Mueteni hei zue sech gseit:
 "Was git's äch us däm Ching? "
 U si hei aui Fröid an ihm gha
 u gseit: "Däm geit's mau ring! "

Uf dr Schueureis i der achte Klass
 uf em Monte Dscheneroso
 isch äs mit eme Gieu vor en angere Schueu
 dür d'Büsch ab und dervo.
 Am Lehrer het das nid so passt,
 är het sech gseit: "Oha! "
 Aber dä vo dr angere Schueu, dä het
 dr Plousch am Meiji gha.

Na dr Schueu isch äs id' Epa ggange
 u het dert d'Kasse gmacht,
 het tanzet, gschmuuset, gsungen und
 gscharwänzlet Nacht für Nacht,
 un e Bassgittarischt het so Fröid an ihm gha
 dass är's mit ihm het uf Turnee gno –
 na drü vier Jahr isch es zimli verändertet
 wider umecho.

So süess u zart wi i'r zwöite Klass
 isch es wäger nümme gsi,
 's het mit Särviere Gält verdient
 u mit angerem näbeby,
 u d'Mueteni hei zue sech gseit:
 "Das chunnt dervo, jaja! "
 U Fröid an ihm hei nume no
 paar Mannevöucher gha.